

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренцијски савјет*

## **Zaključak**

**o odbacivanju Prijave koncentracije  
privrednih subjekata Remho Beteiligungs GmbH i Helios Domžale**

**Sarajevo  
decembar, 2013. godine**



Broj: 05-26-1-034-10-II/13  
Sarajevo, 27.12.2013. godine

Na osnovu člana 25. stav (1) tačka e), člana 42. stav (2), a u vezi sa članom 14. Zakona o konkurenciji („Službeni glasnik BiH“, br. 48/05, 76/07 i 80/09), a rješavajući po Prijavi koncentracije privrednog subjekta Remho Beteiligungs GmbH, Alserbachstrabe 14-16, Palais Liechtenstein, A-1090 Beč, Republika Austrija, podnesenoj po advokatkinji Nedžidi Salihović, Fra Anđela Zvizdića 1/X, 71 000 Sarajevo, zaprimljenoj dana 31. oktobra 2013. godine pod brojem: 05-26-1-034-II/13, Konkurencijsko vijeće Bosne i Hercegovine, na 78. (sedamdesetosmoj) sjednici održanoj dana 27. decembra 2013. godine, donijelo je

### **Z A K L J U Č A K**

1. Odbacuje se Prijava koncentracije privrednog subjekta Remho Beteiligungs GmbH, Alserbachstrabe 14-16, Palais Liechtenstein, A-1090 Beč, Republika Austrija, radi nepostojanja obaveze prijave koncentracije u smislu člana 14. stav (1) Zakona o konkurenciji.
2. Ovaj Zaključak bit će objavljen u „Službenom glasniku BiH“, službenim glasilima entiteta i Brčko distrikta Bosne i Hercegovine.

### **O b r a z l o ž e n j e**

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 31. oktobra 2013. godine pod brojem: 05-26-1-034-II/13 zaprimilo Prijavu koncentracije privrednog subjekta Remho Beteiligungs GmbH, Alserbachstrabe 14-16, Palais Liechtenstein, A-1090 Beč, Republika Austrija (u daljem tekstu: Remho ili Podnosilac prijave) putem advokatkinje Nedžide Salihović, Fra Anđela Zvizdića 1/X, 71 000 Sarajevo, s namjerom sticanja isključive kontrole nad privrednim subjektom Helios Domžale, d.d., Količevo 2, 1230 Domžale, Republika Slovenija (u daljem tekstu: Helios) kupovinom (..)\*\*<sup>1</sup>% dionica, te indirektnu isključivu kontrolu nad povezanim društvima privrednog subjekta Helios, u skladu sa članom 12. stav (1) tačka b) Zakona o konkurenciji (u daljem tekstu: Zakon).

Konkurencijsko vijeće je zatražilo dopunu Prijave koncentracije (u daljem tekstu: Prijava) aktom broj: 05-26-1-34-1-II/13 dana 1. novembra 2013. godine, na što je Podnosilac prijave zatražio produženje roka za dostavu podneskom zaprimljenim pod brojem: 05-26-1-34-3-II/13 dana 7. novembra 2013. godine. Konkurencijsko vijeće je odobrilo produženje roka za dostavu traženih podataka za dodatnih 15 dana aktom broj: 05-26-1-34-4-II/13 od 7. novembra 2013. godine, a Podnosilac prijave je dopunio Prijavu dana 22. novembra 2013. godine podneskom zaprimljenim pod brojem: 05-26-1-34-5-II/13.

Po prijemu tražene dokumentacije Konkurencijsko vijeće je utvrdilo da je Prijava kompletna, te izdalo Potvrdu o prijemu kompletne i uredne Prijave, u skladu sa članom 30. stav (3) Zakona, dana 27. decembra 2013. godine pod brojem: 05-26-1-034-8-II/13.

---

<sup>1</sup> (..)\*\* - podaci predstavljaju poslovnu tajnu, u smislu člana 38. Zakona

Podnosilac prijave je naveo, u smislu člana 30. stav (2) Zakona, da ima namjeru podnijeti zahtjev za ocjenu koncentracije ovlaštenim tijelima za konkurenciju u Austriji, Makedoniji, Njemačkoj, Rusiji, Sloveniji, Srbiji i Ukrajini.

Prijava je podnesena u propisanom roku u smislu člana 16. stav (1) Zakona.

## 1. Učesnici koncentracije

### 1.1. Privredni subjekt Remho Beteiligungs GmbH

Privredni subjekt Remho Beteiligungs GmbH, Alserbachstrabe 14-16, Palais Liechtenstein, A-1090 Beč, Republika Austrija je osnovan dana 19. januara 2005. godine i registrovan u austrijskom registru privrednih subjekta pod brojem: FN 258099 h Beč, sa upisanim osnovnim kapitalom od (..)\*\*KM ((..)\*\*EUR).

Pretežna registrovana djelatnost privrednog subjekta Remho je proizvodnja industrijskih premaza.

Privredni subjekt Remho je u vlasništvu privrednog subjekta Ring International Holding AG, Alserbachstrabe 14-16, Palais Liechtenstein, A-1090 Beč, Republika Austrija (u daljem tekstu: Ring), registrovan u Privrednom sudu u Beču pod brojem: FN 225112y, osnovan dana 2. avgusta 2002. godine i sa upisanim osnovnim kapitalom od (..)\*\*KM ((..)\*\*EUR).

Pretežna djelatnost privrednog subjekta Ring je proizvodnja mašinskih konstrukcija.

Ne postoje društva unutar Ring grupe u kojima su članovi upravnih ili nadzornih odbora istovremeno članovi upravnih ili nadzornih odbora bilo kog drugog (konkurentnog) društva na relevantnom tržištu u Bosne i Hercegovine.

### 1.2. Privredni subjekt Helios Domžale d.d.

Privredni subjekt Helios Domžale, d.d., Količevo 2, 1230 Domžale, Republika Slovenija, registrovan je pod brojem: 5043158000, osnovan dana 7. marta 1990. godine i sa upisanim osnovnim kapitalom od (..)\*\*KM ((..)\*\*EUR).

Pretežna registrovana djelatnost privrednog subjekta Helios je proizvodnja premaza.

Privredni subjekt Helios nalazi se pod kontrolom:

Tabela 1.

R.B.	Naziv privrednog subjekta	Dionice (%)
1.	Ring Grupa	(..)**
2.	Konzorcij prodavaca (prodavci)	(..)**
3.	Drugi dioničari	(..)**
4.	Ukupno	100,00

Izvor: podaci iz Prijave

Privredni subjekt Helios u Bosni i Hercegovini je prisutan preko svojih povezanih društava:

Tabela 2.

R.B.	Naziv privrednog subjekta	Vlasnički udio (%)
1.	Helakolor d.o.o. Tuzla	(..)**
2.	Helkos boje i lakovi d.o.o. Sarajevo	(..)**
3.	HG Trade BH d.o.o. Čapljina	(..)**

Izvor: podaci iz Prijave

Ne postoje društva u kojima su članovi upravnih ili nadzornih odbora privrednog subjekta Helios i njegovih povezanih društava istovremeno članovi upravnih ili nadzornih odbora bilo kog drugog (konkurentnog) društva na relevantnom tržištu u Bosni i Hercegovini.

### **1.2.1. Privredni subjekt Helakolor d.o.o. Tuzla**

Privredni subjekt Helakolor d.o.o. Tuzla, Mije Keroševića 24, 75 000 Tuzla, registrovan je pod brojem: 1-9989 u sudskom registru Općinskog suda u Tuzla s ukupnim osnivačkim kapitalom (..) \*\*KM. Privredni subjekt Helios ima vlasnički udio od (..) \*\*% udjela u osnovnom kapitalu privrednog subjekta Helakolor d.o.o. Tuzla, dok preostalih (..) \*\*% vlasničkih udjela pripada fizičkom licu Nedžad Muheramagić, M. Tita 127, 75 000 Tuzla.

Pretežne registrovane djelatnosti privrednog subjekta Helakolor d.o.o. Tuzla su proizvodnja boja i trgovina.

Privredni subjekt Helakolor d.o.o. Tuzla obavlja svoju registrovanu djelatnost i preko svoje podružnice u Mostaru, Rodoč bb, Put za aluminijski kombinat.

### **1.2.2. Privredni subjekt Helkos boje i lakovi d.o.o. Sarajevo**

Privredni subjekt Helkos boje i lakovi d.o.o. Sarajevo, Aleja Bosne Srebrene 16, 71 000 Sarajevo, registrovan je pod brojem: 1-20691 u sudskom registru Općinskog suda u Sarajevu s ukupnim osnivačkim kapitalom (..) \*\*KM. Privredni subjekt Helios ima vlasnički udio od (..) \*\*% vlasničkih udjela u osnovnom kapitalu privrednog subjekta Helkos boje i lakovi d.o.o. Sarajevo, dok preostalih (..) \*\*% vlasničkih udjela pripada fizičkom licu Melčija Kupus-Mulaosmanović, Nerkeza Smailagića 1, 71 000 Sarajevo.

Pretežne registrovane djelatnosti privrednog subjekta Helkos boje i lakovi d.o.o. Sarajevo je marketing premaza za drvo.

### **1.2.3. Privredni subjekt HG Trade BH d.o.o. Čapljina**

Privredni subjekt HG Trade BH d.o.o. Čapljina, Zgone bb, 88 300 Čapljina, registrovan je pod brojem: 1-5327 u sudskom registru Općinskog suda u Mostaru s ukupnim osnivačkim kapitalom (..) \*\*KM. Privredni subjekt Helios ima vlasnički udio od (..) \*\*% u osnovnom kapitalu privrednog subjekta HG Trade BH d.o.o. Čapljina, dok preostalih (..) \*\*% vlasničkih udjela pripada fizičkom licu Drago Raguž, Višići, 88 300 Čapljina.

Pretežne registrovane djelatnosti privrednog subjekta HG Trade BH d.o.o. Čapljina su maloprodaja i veleprodaja boja, lakova i drugih proizvoda.

## **2. Pravni okvir ocjene koncentracije**

Konkurencijsko vijeće je u provođenju postupka ocjene dopuštenosti predmetne koncentracije primijenilo odredbe Zakona, Odluke o utvrđivanju relevantnog tržišta („Službeni glasnik BiH“, br. 18/06 i 34/10) i Odluke o načinu podnošenja prijave i kriterijima za ocjenu koncentracija privrednih subjekta („Službeni glasnik BiH“, broj 34/10).

### **3. Pravni osnov i oblik predmetne koncentracije**

Pravni osnov koncentracije je Ugovor za prodaju i kupovinu dionica u privrednom subjektu Helios, zaključen dana 16. oktobra 2013. godine između privrednog subjekta Remho, na strani kupca, i Konzorcija prodavaca, na strani prodavca.

Predmet Ugovora za prodaju i kupovinu dionica u privrednom subjektu Helios je prodaja (..)\*\*% dionica privrednog subjekta Helios od strane Konzorcija prodavaca, nakon čega će Ring grupa kao kupac posjedovati (..)\*\*% dioničkog kapitala privrednog subjekta Helios, stižući na taj način isključivu kontrolu nad istim.

Pravni oblik koncentracije, u skladu sa članom 12. stav (1) tačka b) pod 1) Zakona, je sticanje kontrole jednog privrednog subjekta (privrednog subjekta Remho) nad drugim privrednim subjektom (privrednim subjektom Helios) kupovinom većinskog udjela osnovnog kapitala.

### **4. Relevantno tržište**

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište u proizvodnom smislu obuhvaća sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu naročito njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvaća cjelokupnu ili dio teritorije Bosne i Hercegovine na kojoj privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuju od uslova tržišne konkurencije na susjednim geografskim tržištima.

Relevantno tržište predmetne koncentracije smatra se tržište premaza tj. boja, lakova i sličnih proizvoda.

Relevantno tržište u geografskom smislu predmetne koncentracije smatra se područje Bosne i Hercegovine.

Slijedom navedenog, relevantnim tržištem predmetne koncentracije smatra se tržište premaza tj. boja, lakova i sličnih proizvoda na teritoriji Bosne i Hercegovine.

### **5. Analiza relevantnog tržišta predmetne koncentracije u Bosni i Hercegovini**

Prema podacima iz Prijave, odnosno, studije „Profil industrije boja u Centralnoj Evropi“ urađene od strane društva IRL za pružanje usluga istraživanja i analize u oblasti boja i premaza iz Velike Britanije, veličina ukupnog tržišta boja i premaza u Bosni i Hercegovini iznosi oko (..)\*\*tona godišnje, uz godišnju stopu rasta od oko 4,0-5,0%. Skoro sve boje se uvoze. Procijenjeno je da se (..)\*\*tona odnosi na arhitektonske premaze ((..)\*\*% ukupnog tržišta) a (..)\*\*tona na industrijske premaze ((..)\*\*% ukupnog tržišta).

Podnosilac prijave je u toku 2012. godine ostvario prodaju od oko (..)\*\* tone u segmentu industrijskih premaza, dok u segmentu arhitektonskih premaza nije ostvario nikakvu prodaju. Privredni subjekt Helios

je u 2012. godini, putem svojih povezanih društava u Bosni i Hercegovini ostvario prodaju od oko (..)\*\*tona u segmentu industrijskih premaza i oko (..)\*\*tona u segmentu arhitektonskih premaza.

Prema navedenim podacima, izračunati su tržišni udjeli učesnika koncentracije na relevantnom tržištu u Bosni i Hercegovini u 2012. godini.

Tablica 3.

R.B.	Naziv gospodarskog subjekta	Industrijski premazi		Arhitektonski premazi		Ukupno	
		(tona)	(%)	(tona)	(%)	(tona)	(%)
1.	Ring	(..)**	(..)**	(..)**	(..)**	(..)**	(..)**
2.	Helios	(..)**	(..)**	(..)**	(..)**	(..)**	(..)**
<b>3.</b>	<b>Ukupno (1+2)</b>	(..)**	(..)**	(..)**	(..)**	(..)**	(..)**
4.	Ukupno	(..)**	100,0	(..)**	100,0	(..)**	100,0

Izvor: Podaci iz Prijave

Analizom podataka, Konkurencijsko vijeće je utvrdilo da zajednički tržišni udio učesnika koncentracije na relevantnom tržištu na teritoriji Bosne i Hercegovine nije veći od 40,0%.

## 6. Obaveza prijave koncentracije

Obaveza prijave koncentracije nastaje, u smislu člana 14. stav (1) Zakona, kada učesnici koncentracije prodajom roba i/ili usluga ostvare na svjetskom tržištu 100 miliona KM po završnom računu u godini koja je prethodila koncentraciji, i kada ukupni godišnji prihodi svakog od najmanje dva privredna subjekta učesnika koncentracije ostvareni prodajom roba i /ili usluga na tržištu Bosne i Hercegovine iznose najmanje 8 miliona KM po završnom računu u godini koja je prethodila koncentraciji, ili ako je njihov zajednički tržišni udio na relevantnom tržištu veći od 40,0%.

Ukupni godišnji prihodi privrednih subjekta učesnika predmetne koncentracije, na dan 31. decembar 2012. godine, kao godini koja prethodi koncentraciji, iznose:

Tabela 4.

	<b>RING GRUPA(KM)*</b>	<b>HELIOS(KM)*</b>
<b>Svijet</b>	(..)**	(..)**
<b>Bosna i Hercegovina</b>	(..)**	(..)**

Izvor: Podaci iz Prijave; \* ukupan godišnji prihod izračunat na osnovu srednjeg kursa Centralne banke BiH između KM i EUR na dan 31.12.2012. godine;

Godišnji prihodi učesnika koncentracije predstavljaju ukupne prihode (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 9. tačka h) Odluke o načinu podnošenja prijave i kriterijima za ocjenu koncentracija privrednih subjekta.

Prema podacima iz Prijave (Tabela 4.) učesnici koncentracije nisu ispunili uslov ukupnog godišnjeg prihoda, u smislu člana 14. stav (1) tačka b) Zakona.

Također, učesnici koncentracije nisu ispunili ni uslov da je njihov zajednički tržišni udio na relevantnom tržištu veći od 40,0% (Tabela 3.), u smislu člana 14. stav (1) tačka b) Zakona.

Na osnovu naprijed navedenog, utvrđeno je da privredni subjekt Remho nije bio obavezan podnijeti prijavu koncentracije, u smislu člana 14. stav (1) Zakona, te je odlučeno kao u dispozitivu.

## **7. Administrativna taksa**

Podnosilac prijave na ovaj Zaključak, u skladu sa članom 2. Tarifni broj 108. tačka c) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, br. 30/06 i 18/11) dužan je platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

## **8. Pouka o pravnom lijeku**

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Zaključka.

**Predsjednik**

**Gordan Raspudić**